



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社



清代詩文集彙編 四五

安雅堂未刻稿八卷附入蜀集二卷 宋 琬 撰

靜惕堂詩集四十四卷 曹 溶 撰

靜惕堂詞不分卷 曹 溶 撰

織齋文集八卷 李煥章 撰

一

一九七

五八三

六一七

乾隆丙戌新鐫

安雅堂未刻稿

本衙藏板

安雅堂未刻稿

安雅堂未刻稿目錄

卷一

五言古詩

卷二

七言古詩

卷三

五言律詩

卷四

七言律詩

卷五

五言絕句

六言絕句

七言絕句

五言排律

七言排律

卷六

序文

壽序

題詞

卷七

安雅堂未刻稿目錄

十一

書

表

策問

啟

頌

贊

銘

疏

傳

紀略

碑記

卷八

墓誌銘

行狀

誄

祭文

入蜀集上

詩

入蜀集下

詞

目錄

安雅堂未刻稿卷第一

萊陽 宋·琬 玉叔 著

五言古詩

劉雪舫餽泉酒賦謝

賤子質頑疎讀書懷往詰賦命一何窮遭時多艱晚已
矣復何言門內生饕餮禍本驗豺聲天心厄羊舌踪迹
同沙捫身名竟瓦裂倉卒檻車徵骨肉成死訣幸荷
國恩寬未卽賜臣玦待罪爽鳩庭呼天口流血甲士月
踐更刀鋸儼羅列嫚罵誰敢噴供頓詎能缺充腸藜藿
甘伴寢銀錯熱驚看膚已枯空餘骨未折臥疾謝參苓

何心謀趨葉平生金石交棄我如蜣蜋梁肉委溝谿一

毛安肯屑之子未謀而顧子臨土穴問荅未終詞執手

但嗚咽側聞甲中春哲兄仗奇節百口盡祝融義比崑

岡烈南州有王生椽筆直如鐵作傳表英風快事稱雙

絕中夜鬼神泣毛髮森凜冽言君隱甕湖躬耕種瓜廬

今我被譏口辱親愧閭閻載見忠孝裔心傷內如蒸勿

聞青絲騎醇醪重提挈釀用錫山泉此味經年別舉酸

祭臯陶壺觴聊自啜寒夜羈魂安餘瀝小僮悅何由脫

尉羅共醉西山雪

義虎行

汾水有樵客刊木登崇岡霜濃崖谷滑身墜虎穴旁虎
子未離乳牙爪無鋒銚倉皇覓所見峻壁如堵牆久之
白額至萬壑風飛颺口銜牛體物不辨鹿與麋磔裂飼
其兒何用春糗糧回身睨生人怒目森電光少焉咆哮
息若有所思量便擲所餘肉投客使客嘗有客不敢飽
惴惴臨蕪湯母子竟酣寢月曉山雞鳴客心私自忖朝
餐我其當寧知了不顧一躍凌大荒還期每亭午命食
遂爲常晨昏得暫飽飲血爲酒漿月餘負子行學步恣
騰驤樵客守空穴長慟呼穹蒼爲德何不辜主人忽我
忘熊豹倘來居何肯效慈夏不爾亦餓死吾其葬此方

安雅堂未刻稿卷一

俄頃載之出耳畔松杉香茂林絕鳥跡日色暝以黃
蹕向虎拜叩頭啟大王賤子姓甲乙家在縣南廂析薪
餬八口失足踐貴彊恭承不啻恩惠養兼扶將前身爾
當省或是父與兄辭家日已遠父母倚閭望我言若可
解送我歸故鄉祝罷向前導果至來徑旁行行將告別
主客兩傍復樵言感再活報德愧微涼到家賣斤斧肥
矜充爾腸郭外古瓦寺夾道雙白楊來月月三五發汝
亭之陽虎也領者再相視淚浪浪旬旬返蓬室家人驚
且藏揮手喚其婦人也幾爲俛張燈進麥飯痛定話端
詳鄰里半疑信瘦削類巫尪貧家乏芻牧自典纈布裳

驚刀未及奏猛獸多背行然諾懷一飯搖尾來通莊市
人競攘臂從金騎屋梁不復施鉤楯智網已在綱須臾
遭急縛獻捷躋公堂縣宰曰殺之庶以懲不祥樵客聞
此言槌鼓磨銀鐺長跪告明府大恩安可戕對虎話疇
昔堦前如聚商大王猶在口爲我受茲創乞命于神君
微軀請代償宰也嘉其義解縛忍爾傷爰造所期處高
俎陳饌羊醢啖盡料刻逝矣何跳梁觀者隘衢路童叟
紛趨踰亭名曰義虎刻石傳郊坊楚國穀於菟書傳非
荒唐作詩表厥異愧彼中山狼

問鵲詞

安雅堂未刻稿卷一

宿室昧昏曉不知七夕過喈喈暮簷鵲毛羽半摧磨見
人如慚沮斂翼坐高柯借問爾何爲銜尾填銀河譬如
人間役髡鉗城旦科萬古有程期風俗非傳訛支機石
安在牛女年幾何鬢髮何不霜歲歲雙蛾哭潤展須
臾此夜停鳳梭鈎天寶耳聆寶瑟鏗雲和帝居渺何許
宮闕紛巍峩造舟以爲梁夫豈無龍鼉用爾傳下土天
孫結絲蘿皎皎鍼樓女乞巧會青娥瓜犀充玉盤瓊舞
屢僂僂蛛絲告師氏競得歡且歌嗟余無一能微長拙
則多鬼神侮婢直投足嬰禍羅野田有黃雀化爲蚌與
螺吾生獨不然踟躕長轡軻攬衣訴雲漢無媒愁謫詞

剛腸願滿滌鈍骨須切磋富貴如可求。不惜爲祝鮀。歲時忽已晚。莫挽虞淵戈。來年憶此語。將命勿蹉跎。

雨中讀書

簷溜掃堦除溜足。因及膝歛爾心魂。清忘其在請室殘。書代高枕佳辰聊散帙。古人生我前憂樂端非一。爲樂何多方。醫憂苦無術。幽幽泣鬼神。往往托紙筆。當時每見嗤。千載遙相恤。我憂竟何如。輾轉井中溺。

見月

雨師將倦勤。兼旬未停轡。竊恐瑤臺傾。月娥亦憔悴。長天簪層雲。皎皎東南出。忽似久盲人。去我眼中翳。又如佳客至。趺然豈遑寐。避淫屢移牀。弗離尋尺位。草蟲變其響。高下聞歌吹。瓦樽聊自斟。憂人易爲醉。

夢先仲兄二首

昭昭此日月。不復照憂窟。嗟我同氣人。生死悲汨汨。哲兄處我側。鬚眉儼平口。有時拊手歌。忽爾變愁疾。惻惻骨肉言。既寢不能悉。弱女未適人。嬌兒方弄筆。死者豈不傷生者。責難畢。魂驚近來事。附書報阿七。阿七季弟。阿七字也。痛矣藐諸孤。朱殷血盈膝。短燭滅伊幃。憂端密如櫛。維鳥蓋有羣。維天蓋有斗。蟾兔盈盈虧。兄來月八九。地下網或疎。豈無魑魅守。稍稍行家園。往往共杯酒。鬼神

怯憂患。哽咽長掩口。汝弟在尉羅。二親亦知否。平生願復心。何以慰左右。再詢迷所違。寸心非我有。撫枕一招魂。殘星動高柳。

所居屋三楹。蔓草生於瓦。上守者。驅小豎。刈以飼馬。須臾畧盡。感而有賦。

黃雀銜草根。其芄覆我屋。昔耶失所依。薺薺蔓成族。憑高勢自驕。漸欲欺喬木。多露館蚊虻。蔽日棲蝙蝠。野火詎能侵。跛羊不可牧。我憂莽無蒂。數椽聊托宿。斧斯不在掌。吁嗟空以目。腰鎌者誰子。崇朝肆剽戮。短楮落高簷。盈筐凡五六。馬飢不待刲。件以新登穀。天道忌滿盈。物態有傾覆。鋤惡幸無遺。城狐應殷鯨。涼月在觚稜。遙天碧如沐。肺病廓然瘳。欣欣對老僕。

夜坐吟

故人借我書。兼借新歷看。始知秋向分。晷刻從中判。如何宵漏遲。展轉不能旦。無乃天官善。羲和昧厥算。烏啼星漸稀。蟲語砧無斷。歌哭兩吞聲。披衣起三歎。

咏史八首

宣子愛智瑤。卜筮將爲後。五賢一不仁。諫者爾何謬。決水灌平陽。驕貪因致寇。何意釜中鱗。卻斃林間狝。國士既感恩。讜言無一救。漆身竟何益。况乃志不就。

古聖貴遠猷經邦戒謀始秦穆殺三良亂命一朝耳安知家法垂視人猶犬豕數傳至祖龍赫怒六王死諸生竟何辜坑之咸陽里勿嗟新法酷孫謀在前史

少卿陷狼荒司馬爲歎息上書坐腐刑公卿弗爲力洛陽賈豎子牧羊拜高職窮愁著萬言發憤攄胸臆結交

幕游俠多財思貨殖名山今則傳街竟誰直

秦兵圍邯鄲信陵抱深恥一邀朱亥行能使侯嬴死談笑卻狂氛連城棄如屣驅車返大梁謝罪居田里悲歌

築糟邱壯心付牀第英雄作達人陋彼三公子

太尉血未碧無敢瘞骸骨綠幘爾何人哀哀夏門卒偉哉門下士左手提章鉞備身托六尺宗祊未淪汨種松

期歲寒觀人在倉猝使居高后時可以爲周勃

應侯既得志誓漆魏齊首急難有虞卿棄印與俱走無

計抗秦威甘心作窮叟豈知孫賓石複壁藏死友成毀

安足論二子名不朽古道良若茲今人以爲否

崔生良史才博物綜墳典著書仿漢紀金石垂班管春

秋譚定哀本朝必歸善奈何昧斯義坐歎宗支翦同時

載筆人青宮出諸險危哉太史遷官刑猶幸免

魯史多傳疑石言表於晉所言夫如何尼父未嘗訊或

曰物所憑此理差足信孤臣孽子魂千年豈能叨涓涓

水東逝青山共磨礪師曠失其聰九原復誰問

煮枕行

華枕出剡溪最宜三伏夕耳畔喜清涼輕颺疎隙多足爾何來茲焉爲窟宅安居長子孫蟄蟄盈千百宵行晝簡出希踪狐與貉伺我鼻息酣分曹向阡陌覺後鮮完膚夢中頻蹙額痛癢難爲狀罪浮於蠶螫隱忍安可再呼兒因大索禍延白鳥殲撲共青蠅厄待旦訪根株驚心在肘腋厝火昧前籌揚湯爲上策不聞蟻蝨弔俄看釜餒赤老藤幸無恙鼎鑊敢逃責終然敝帷意未能卽捐擲快哉永夜眠始沾席懷安肇戎毒禍福在所擇書此示筭算慎無畱惡客

所擇書此示筭算慎無畱惡客

縛鼠詞

我僕行丐歸不虞明日飯香杭白如玉未飽身已健鼠率共羣蠕蠕僅盈寸噬肯念予飢但欲充爾膺設羅當穴口小童不勝慙貪饕禍所聚黠巧奚能遷畏人仍奉首磔折如九頓我心方惻惻弗忍誅其困憫然脫拘繼三窟縱橫奔釋氏等冤親先民戒滋蔓豈若兩相忘可與達者論

長信秋詞

人言劍閣艱妾道長門險頻教翠輦迴坐歎朱扉掩寒

砧高下聲流螢四五點殘月下簾櫳自熨湘紋簾

秋思五首

秋風本無意萬籟自成悲蔓草徒搖搖蕙華難獨持高樓今夕月知是怯羅帷

春日何遲遲商飈每倉猝我攀芳樹枝坐見流螢沒白露亦何爲星星練元髮

夜蟲奏商律斷續秋魂哭美人羅袂寒背月吹霜竹兩兩感人哀天聲不如肉

疎雨寒蕤落葉紛如擊元鳥沐其羽向人有歸色故鄉豈不懷行行戒繪弋

索雅堂未刻稿卷一

女蘿在高松茲有驕色嚴霜下稜稜莫肯相羽翼不如野草花開落自努力

初度課僕縫衣

一室類禪龕餘年愧僧臘道氣生垢傷秋風欺跼晨典盥我手鴉衣妨出納去歲已三齡今茲須百衲寧辭僮僕羞況乃蟻蟲匪持此報山妻砧聲共鳴邑

送宋牧仲別駕之黃州

昔在天啟朝作人歌早麓南宮三百人中有先太僕相國起中州股人系同族連鑣京洛游晨夕疊往復有來必盡歡濁醪十餘斛顧惟小子輩碎呶儼伯叔乾坤遘

鼎革相國秉釣軸旁招天下士濫收及魚目登堂脫芒屨問答不嫌複語及九原人師容亦粲楚側問佳公子

妙齡十五六傾都看衛玠羣公誇荀或惜哉兩楹焚紫華萎梁木燕臺展昇澗淪淚話疇風俛仰數年餘滄桑

一何速君今佐黃州豈曰耽微祿御者古有言驛驪戒初服矧乃山川嘉赤壁臨江蓋周郎與蘇子懷古情聖

聖斷岸雪千尺輕舟帆一幅公餘恣游眺寄詩慰幽獨

徐塘口曉發

舟過十六岡快如脫深井篙師喜不眠鳴榔夜相警暉暉星欲稀獵獵風初猛登艫一長望澄波浩千頃樹杪

索雅堂未刻稿卷一

見黃河蛟龍得所騁上下白雲光凌亂蘆花影宿鷺浴還飛驚鴻斷復整孤棹破寒烟荷衣不知冷

贈徐月鹿水部

我友方龔山於世罕所可昔在古北平論文列燈火抵掌話今古重門不復鎖發其笥中書見君詩篇夥昭昭明月光忽爾懷中墮便付小胥鈔披吟不遑情問君復何如荅言最英果當今風雅儔吾子屈一座杖策去盧龍依劉適江左或於卮酒間絮談應及我嗟予誠落後遭時獨坎珂白首歎無家桑枝棲螺贏古人重結交千里候糧裹茲當遠行邁握手清淮沱一見愜素心長歌

還鼓柁

雨中過僧舍聽沈山人彈琴山人善製琴今所彈

者乙酉金陵客舍作已二十有二年矣

積雨不出戶溼氣逼幽幌屋小如漏厄決霑滿盆盎忽聞贊公房竹樓頗蕭爽不惜屐齒勞泥策孤杖到門鐘梵歇僧徒止三兩俯檻閱烟雲繩牀恣偃仰皤然一老史抱琴來方丈乍撫一再行三峽哀泉響自言斲桐孫百尺龍門上審端面勢時悠然太古想金徽未及施宮徵在吾掌龍唇入都市王侯大稱賞迺知匠者心冥搜窮罔象改絃燈火張絲桐一何期惆悵不成眠道心

於此長

題王西樵長齋繡佛圖

浮生能幾何憂患居其半當其在屠羅刀俎何由追四大如贅疣拚飛羨鶴鶴細數從前愆口腹生罪案戕生供一飽水陸烹任換自大以及小巧力莫能算物微理則同臨危想奔竄禍首始庖犧魚鳥紛然亂西方大聖人戒殺經文粲衆生嗔且迷大笑以爲誕良由身未經夏蟲不知炭吾友王考功同官復同難相逢摩訶池面色黃如疸自從請室中燭除肉與蒜示我東坡詩焚香起遐歎小樓僅方丈似有天花散古來仙佛人第一貴

安雅堂未刻稿卷一

十

能斷審茲制愛緣卽是阿羅漢老夫愧蹉跎決背有餘汗

嚴瀨亭太夫人壽

夙昔慕嚶鳴良朋以爲命載交嚴給事如見陶士行威鳳在層霄綵翮一何勁珥筆青瑣闌上書言利病章皇爲改容朕今得明鏡問卿何能然小臣固不佞高堂有母氏風規肅而正嚶笑罔敢愆矧乃職諫諍帝曰都汝母德與敬姜并煌煌紫泥書大國秦與鄭爰及九牧人間風仰徽聖千里或命駕登堂展恭敬余嘗濫此邦造處代溫清今來逢燕喜華筵講家慶給事未

安雅堂未刻稿卷一

十一

及艾絲綸佇當柄翩翩金閨彥宮袍玉階映週末復鷹揚棠華婉相競母也不敢康勞謙在處盛錦堂聞紡績彤管堪歌咏再拜行羽觴南陔庶可賡

題林鐵厓絮鐵冊子

鐵厓林公議屯田失邊將心中危法幾死其被逮也僕人咸爲歎散惟小史鄧猷相隨不去至以絮裹鐵復以體溫絮奇矣周元亮爲作絮鐵行故名之曰絮鐵公屬予和者屢矣予曰願一見絮鐵詩乃成公期期持不可聞予履聲輒令避去迺至深屬堅鍵若將藏之複壁中者噫又

奇矣纖舟將發書此貽絮鐵並以誦公

林君海鶴姿負謗中山篋可憐強項臣墮此修羅劫蒼頭及虛兒飽颺未轉睫婉孌者誰子問年方佩鞬九死誓相從慷慨無嚙嚙重繭逾萬里哀哀淚盈頰維時當近寒河冰不須掛瑤璫九曲盤縛公於馬鬣繫囚凍欲僵緹騎仍夜獵之子解羅襦纏綿復迴浹弗借束素身宵分爨以脅久之鐵竟溫適體如衷被公非繞指柔七尺等秋葉佳哉此孺子智勇超荆聶何人編稗官借爾光簡牒大書復特書將以告臣妾

寄懷施愚山少參

安雅堂未刻稿卷一

昔我陷虎吻微軀蒙縶繼君方拜法曹顧余兩悲咽愧乏平生歡定交在獄閑爰書未奏當忽作粵中別揮淚遠行過萬里憂心儼

先帝湯文姿沉寃荷昭晰豺狼伏厥辜再添鷁行列之子在桂林賦詩見慰悅流傳及四方知我交情切王程各有役先後秉符節絳帳遍青齊相望渺恒碣吾友下禮曹詞翰果清絕同人濫吹獎葑菲采薄劣嚴張兩黃門雅與夫君埒矯矯陳布衣騷壇稱七杰丁也坐微青足踐辰韓雪余往送之郊淚痕欲成血武林展笈潤停杯爲汝說引領豈巫閼但焉肝腸勞蕭蕭抵足眠鮭菜

弗爲褻惜哉困簿書倡和至今缺是年辛丑冬禍發由蟻穴同室產鴟梟傾巢恣餐齧

天威赫雷霆小臣將隕滅痛哭十年前茲焉倍酷烈百口若卵危萬端付瓦裂搏頰呼蒼天門高蕩跌古人死多門膚滂何罪孽所恨目不瞑未與良朋訣一朝聞闔開曦陽照幽豳

天王實聖明宗祀存羊舌羅網幸脫免江湖轉騷屑緣袍迥千載世情恠一畝方知飢與寒憂患竟同轍匪不告緩急逢人多面熟登臚眺廬陵湏洞風濤截欲訪梅尉宅挂帆復中輟長跼寄雙魚恐君不忍聞

安雅堂未刻稿卷一

題尤遠公觀梅小像

駐世貴無營看花亦須福常聞鄧尉山梅花遍臯陸思欲命扁舟佳辰翻躑躅先生鸞鶴姿探奇日不足慈菴渺霽間香光滿巾服瘦筇矯若龍德容靜如鵠何時辦青輶從君於薊軸

壽戴巖學先生

大海水所歸哲人衆斯仗夫子龍鸞姿身尊道何廣耿介立天閭載振雲門響家職賴彌縫平均在三壤峩峩泰山松臨風倍蕭爽赤鳥映冲襟遇物多宏獎賤子忝倉曹繆荷知音賞侍宴或終宵醉臥車茵上羣婢忌清

剛三台忽曉曉終焉魚水恩邦教需公掌退朝展多藝
揮灑龍蛇勝淡墨爲貧營森然似初長奏御至尊前歎
息世無兩諸公饒疏傳暫輟京華鞅駒駘羨雙騁岌業
珠宮榜季方拜法曹懸犀照魑魍平反出鯉庭肺石咸
無枉故吏愧彭宣稱觴倚几杖金焦秋正深從公辦水
編

螢苑懷古

昔予遠行邁祇役赴隴首驅車洛陽道歸然見高阜土
人驚古瓦莓苔一寸厚大字開皇年離宮此遺甃當時
宅天中筐篚通九有後王乃荒淫失計東巡狩綠山創

安雅堂朱刻稿卷一

四

飛甍臨江起廣罔條支貢異卯渠曳來珍獸庭燎燔都
梁高柯衣文繡秋宵宴未央流螢照朱牖婕妤拜手勅
輕紈競相闌火齊不足侔桂館紛如畫事與烽燧同玉
齒榮衰后秦鹿一朝奔衛鶴詎能寄我來訪迷樓荒榛
窟鼯鼯坐撫邇水流興亡歎車覆空餘燭燿飛年年滿
林岫

晤石谿禪師於祖堂喜而有贈

復與陟危椒杉篁密難度相將倚輕策天闕在回顧蒼
茫但烟靄不復辨來路修聞鐘梵聲肅然脫雙屐瞻茲
大法堂天花絮如雨碑勒赤烏朝松留天監樹典亡渺

千載爐香方一炷大師據繩牀音儀儼童孺維摩病起
時天人齊了悟嗟余逢世難悲憫問共故回首百慮錯
六州豈能鑄如彼遠行賈揚帆值狂飈幸免飼蛟龍心
魂長恐怖未割區中緣矧乃年齒暮充盤剌鮮笋簞燈
煮霜芋永顧畢餘生結茅於此住

贈別方繡山年兄

世廟之四年臨軒再傳制鸞鏡集形庭驛驪刷幽前我
友龍眠君長余近十歲同拜小司徒鹽鐵參會計粉署
頗幽閒燕好若唐棣往往盃酒問從容問家世美人迺
多男各隕弓美涕後先持符節遙遙去荒裔鴻雁日南

安雅堂朱刻稿卷一

五

翔音書轉迢遞君家念山子問關到恒碣入門爲我言
哲兄在江滙五十誕寧馨先鳴庶能繼翻然乞骸歸棄
官等秋蛻買宅石城旁躬耕奉租稅斯語十年餘賤子
屢顛瘠譏人實罔極天心示黜削一朝脫尉羅三載困
狂獬沙鷗信不羈水萍渺無蒂杖策款柴扉欷歔互掩
袂契濶不遑論但話艱危際談虎賀更生驚心到僕隸
須臾列酒漿雷醉成小憩呼兒牀下拜殷勤復婉孌天
馬未終頭萬里志精銳袖中出奇文筆底風雷勢燈闌
雅聲節老眼不知翳孔融自天人陸機稱風慧所貴在
賢達匪徒富文藝去歲客吳門買妾得佳筮果爾夢熊

罷宗祊幸無替方將往提攜因之理歸棹情也限殊方
流寓禁方屈萬一功令寬庶從陽羨例小巷願比鄰長
鏡飽蠶欄二老躋耄期兩兒續昆弟龜策倘肯從畱書
表軒砌

題金孝章次子運覽圖

陶公志匡濟辛勤少暇日彭澤五男兒總不好紙筆華
胄未云遙箕裘闕繼述世變鮮安全聰明貴寂寞當時
寓意深非由家訓失吳門有隱君雅與淵明匹及其命
仲子遑遑如恐失躬耕林屋側偃息守蓬華脫粟不盈
倉鳴琴時在膝既果鹿門棲肯爲鶴書出但願學古人
轍跡寧須一何必督八州乃足垂名實大易尚乾惕幽
風戒無逸再拜閱斯圖使我增戰慄

安雅堂宋刻稿卷一

末

八月十五夜同施愚山泛舟湖上聽莊蝶菴彈琴
自枉豫章書歲序凡屢移久客如蕩子幸免溝壑危忽
聞故人至喜極不遑悲驚定轉鳴咽涕泗交雙頤窮途
長兒子歎然前抱持湖光信清美況當三五期秋萼尚
可翦桂萼方藏蕤倅曉延素月嬋娟來何遲賴有廣陵
客清商彈哀絲颯然風雨外靜夜蛟龍隨佳辰此邂逅
後晤安可知矧茲遠行邁扁舟去武夷問我渺安逝鬱
邑難爲辭螺江有征鴈且記南游詩

施愚山至杭嚴額亭招集臯園漫成一首

故人宣州來君方孺子泣相將具要經汎瀾雙袖涇高
館城東隅曰爲慈親葺周覽御輕軒焚香事禪習烏稗
種未高鶴馭嗟何及舉座掩金卮銜盃不忍執憶昔盛
壇沾吾徒滿京邑絕響嗣黃初風雨筆端集忠劉一彈
指存沒堪鳴咽幸餘二三子況乃隔原隰臨流羨白鷗
飛翔借出入夕陽下闌干別袂荷香襲卜隣庶不違吾
其辦簞笠

送姪幼文歸里

昔我領符節脂車向秦甸游子懷故邱暫得還鄉縣汝
髮未成童膝上背文選竹馬一相送西郊事飲餞別來
十五載不見阿咸面豺虎獨何心蒼素使人眩牢修朝
上書

安雅堂宋刻稿卷一

七

天威赫雷電滋蔓及宗支吹毛到親串虎口爾幸畱痛
矣吾家彥蕭蕭白楊下街窵詎能瞑閭閻九關開陰霾
一朝散薄劣豈能全先人或餘善短狐工射人屢廷登
聞院對簿客西泠孤蓬任流轉畱滯賦旄邱依人同旅
燕足然骨肉至窮途共慰唁載咏鳴鴉篇篇淚與江波澣
年來夢熊羆泰占已三踐足取慰桑榆老懷聊暫遣方
知蒼昊意不忍專霜霰行行告將辭纔解意猶戀故園

諸謝在寄書未遑徧但言掃柴荆馬卿今已倦二勞在
杖底及爾偕游行暮齒幸未頽佳辰庶可撰

汾湖行爲葉元禮作

往者歲乙酉避地東南隅舟行過八尺居人驚且逋爲
言亂兵起烈火燒姑胥今朝令箭至抽丁兼索租不知
何將軍傳聞或姓吳軍聲雷電疾後至將爾扇吁嗟太
平後未識戈與受逝將往樂郊安能懷故都公等來何
方慎勿登危遂汾湖在咫尺中有葉大夫生平重然諾
鄉里稱碩府流離依主人急往毋踟躕借問大夫誰通
籍先人俱懷中刺甫通倒屣迎門樞灑掃所居堂築草

安雅堂未刻稿卷一

木

羅精蠶上牀寢兄弟庖湏安童奴酒漿及醴酪朝夕任
所需累纍近百口不言鄉里殊堂西有精舍繞砌生高
梧曰子館其中偃仰良足娛惟公有愛女嬌嬌神仙姝
乘鸞去何早碎此明月珠招魂來碧海鳥爪同麻姑香
奩委塵土髮髯餘流蘇紗窗猶窺窈窕苔蘚侵銅鋪亭
謝家樹華萼森扶疎念我苦邪瘡背上書朱符文襖抱
爾出冰雪凝肌膚同時客君里冠蓋連交衢嘖嘖語大
夫兄也千里駒東坡盛齒齒況多菱與蒲時泛蜻蜒舟
斗酒相招呼盤餐進紫蠟玉粒炊雕胡是年八月中幕
客陳師徒堂堂鵲鵲陣白幟紛如茶鐵腰寧足恃燈臂

何其愚湖水半爲赤曲港漂人顛旌門謁主帥跣足雷

泥塗遂得歸鄉國虎口脫須臾南鴻恨疎絕歲月忽相

踰國恩誠忝竊世路莽崎嶇顧我山陰道問荅增欷

歔痛哉吾父執隧道穿狸狐封胡遇末輩奄忽歸黃墟

渠渠舊閭閻一炬今爲墟勞人日軼掌缺然展生芻槍

然猶子悲懷抱常區區朱並爾何人含沙肆飛誣天

高聽則卑臣罪實無辜鼠牙倦奔走僕夫亦云瘡賴子

相過從沉愛聊暫愉花晨或命展月夜猶操觚別離近

三載纍纍數莖鬚依人客其州猶勝成都墟古來成令

名往往由笑孤雖過賈生年未棄終軍繻努力抗前修

勿爲嗟駟駒浩歌感今昔欲碎樽前壺

同諸君子游道場山是日稍晏及半而返賦詩志

憾兼訂後遊

我慕道場山臥疴未能出開軒見浮圖森銳似卓筆晨

興散微雪層雲漏寒日爰假青翰舟良朋凡六七先期

戒行廚裏糧兼漿栗方將恣遨遊幽探雲霞窟放棹峴

山側驚颺何凜冽客子衣裳單興來不遑卹坡陀倚瘦

杖叢篁厭蒙密石磴半欹危凍泉屢通壑側身窺絕壑

駒杳黑如漆百步輒一休雙童實予弼腰膝輪少年於

茲驗衰疾遙岑隔烟靄暮色轉翠嶺將尋處士墳未踐

安雅堂未刻稿卷一

木

支公室張燈招同游樵徑恐相失回棹述見聞所歷分
甲乙素心幸已酬勝事詎云畢終期陟崇椒再出勿倉
卒人生不滿意茲游乃其一

送汪舟次游廬山

好鳥非幽林無以肆頌頌名山無主人游子慘不悅我
友施宣城坐擁江西節招我游匡廬書來誇奇絕開絨
意已往滿眼見嶙嶙惜哉物役牽老慚筋力劣扁舟凡
屢艤挂帆行復輟之子樂窮探芒屨逝將別中路見早
梅到日踏踐雪側聞香爐峰千尋挂虹霓白雲出牀足
繁星可攬擲置身巖壑間森然見孤潔寂寥徵君館蕪

安雅堂未刻稿卷一

手

沒高僧碣往者陶謝輩詩篇或遺缺山經與水志登臨
須考覈廬陵有故人懸榻爲君設想像西軒中開樽話
所閱何時一把茅共向東林結

花朝前五日同劉紫谷王爾調趙晉公姜勉中奉

世看光福梅花舟中微雨遇嚴武伯歸自山中邀
之使還因信宿徐長民精舍有贈

四載客吳中山川已漸習鄧尉未百里梅花成都邑方
將理輕策佳辰涉難及苦爲物役牽往往風雨急茲願
誓終踐先期辦行笈同儕三五輩欣然具簑笠云有賢
主人雞黍頗能給便買蜻蛉舟安能待驚蟄中路值

公衣襦半雪溼示我瑤華篇芳香紛可襲遂造幽人居
賓主花間揖松梧饒古柯茅茨告初葺几杖高曾遺燈
火兒童集開軒面太湖漁舟黑如粒我我冰雪姿清光
被原隰思欲秉燭游中宵坐復立生憎蜂翼忙止恨鶯
聲澀縱覽及朝暉魚貫復輿入信宿客自留白駒未須
繫

贈胡省游

達士尚孤懷通人有高寄稽生雅好鍛阮孚乃蠟屐非
關玩物情聊以寓吾意維楚實多才之子負深致言觀
廣陵濤萬里瀟湘至靈均邈千載風騷爾其嗣袖中岫

安雅堂未刻稿卷一

手

嘯碑蛟龍纏鳳鼎西漢溯虞秦冥搜剖元秘復見蟲鳥
文或聞鬼神泣遯遁得縱觀顛倒及篋笥指拂生光芒
瀟然心魂悸王侯甲第高欲往羞委質畱滯仲宣樓自
搵荆山淚分手重徘徊臨風還徙倚

送許鶴沙臬長之任滇南

四首

君昔在承明珥筆侍

先帝視草香爐邊朝夕資獻替爰輟講幄臣俾以屏藩
計再拜出闕廷

至尊頗凝睇敢辭劍門險彌節章江瀝龍髯泣鼎湖乾
坤忽陰曠采尊三泖濱聽鶴九臯張今

皇法湯文求治一何銳刑期於無刑要囚不忍蔽深宮
念遐阨曉此西南裔上古所不臣版圖乃新隸誰能宣
朕心黔黎免黥劓淑問如阜陶欽哉汝其繼

朔風淒以冽鴻雁鳴啾啾蘆溝雪一丈桑乾凍不流之
子瘦如玉未勝廳鼠裘豈不惜離羣王程不敢畱驅車
遠行邁駕言赴昆州碧雞與金馬上與白雲浮其地聯
百蠻兵興困誅求哀哀此子遺慘慘歌蜉蝣干羽格有
苗禹功猶可脩願言寬文網敷政在優柔夜郎歸漢德
白雉來宗周要荒致刑措

聖主解殷憂登臨多暇日新詩煩遠郵

安雅堂未刻稿卷一

幸

祖道宣武門冠蓋盛華簪健兒擁弓刀載驟何駸駸方
將歸子舍歲晏慈母心平生未離膝此別實難任況乃
渡五溪風濤多毒淫攬滄向客言濁酒不盈斟臨岐執
君手太息忽沾襟請歌小宛篇恭人如臨深最哉邁種
德庶慰蘭陔吟昔賢雋不疑高堂有良箴

今春客君里賦別白苧城何期游京洛送君萬里行因
題尺素書爲我貽友生瑯琊盛才俊父子擅詩名篋中
競渡篇淡墨紛縱橫周顒有別墅坐對機山平畱客大
牀眠自煮鱸魚羹廣川兄弟好繁露書已成布衣延陵
君北郭開柴荆醉中喜聯句往往通雞鳴別來未云久

斗柄東北傾諸君定相憶問訊饒深情但言客憔悴方
將謁公卿何由托陽鳥奮翼渡南征

題吳漁山倣吳仲圭畫

昔人作山水疑神在盤礴經營慘淡間不苟等戲謔作
者與賞心要當富邱壑吳生大雅人清姿如野鶴毫端
走鬼神古人庶無忤持贈萬里行披圖儼酬酢誦君遠
游詩不減謝康樂征鴻去悠悠相望何寥廓葡萄江水
深勿使蛟龍攫

賦贈方爾止二首

余生窮海陬夙昔寡儔侶側聞古人風定交在日杵微

安雅堂未刻稿卷一

幸

尚審所詣未敢輕相許瞻言采芙蓉遙遙隔江渚一朝
至南徐乃見孔文舉軒豁披心胸淵立托毫楮良友若
新姻似欲忘羈旅三復瑤華音何以報爾汝論文共吳
沈吳錦雯沈冠東同寓殘月共高炬客有餽鱸魚炊藜夜深煮
孔翠雲間翔兒鷺澤中趨赤驥弗遭時未免爲轅駒子
雲部雕蟲方朔歎侏儒往往英雄人矢志成酒徒與子
逢世亂間關走崎嶇誰言鄉縣異不嗟道里殊執手臨
江樓旌旆滿山隅黃雲暗西北日夕羣鷗呼利劍不在
手四顧無良圖來隱具扁舟叩其惟爾須

寄懷王敬哉四首

陶陶孟夏初繁陰散林莽倉庚來好音交自僑伍念
我平生歡浮家托柔艸食薇敢言貧采茶不知苦微雨
沐庭柯悠哉望鄉土

鄉土杳何許青齊與燕趙與君雖異居疇昔同弦眺中
原戰伐多豺虎紛然擾昔爲礪中栢今如路旁草努力
莫棄捐風波慎昏曉

昏曉迭往還行坐日默默感彼江海人拳蘭向南國釋
我無與親揚舲渺安極尉羅方高張前路多矰弋鴻鵠
莫輕翔修鱗尚潛匿何用慰離憂長謠以相憶
相憶詎云已離憂難可任遠遊有高步索居無餘心吳

安雅堂未刻稿卷一

五

江森浩渺越嶺鬱崎嶇飄飄懷追討母爲嗟滯洛君發
春申渚予夢天姥岑願言結茅茨方將理瑤琴

贈黃坤五先生

桂樹冬歲韃霜霰未能枉嘒嘒長庚星向曉曜彌朗維
昔屬休明六字清且廣嗚呼先大夫通籍春卿榜清廟
走琅玕包匭兼條蕩宛彼金閨彥結拜青霞上威鳳在
層霄毛翮殊森爽誰持太阿柄閱此雲門響遂與仲容
輩舍睇歸元壤賤子溝壑餘未敢辭鞅掌再拜于湖旁
攬泣話疇曩交情得孔融零落悲任昉升堂解葛屨顧
予多宏獎虛慚抱關役屢負清秋賞咫尺謝家山紆軫

難獨往安得牛渚犀入水驅魍魎落日葭莢明臨流送
歸槳夢想武夷峰願作青藤杖著書小太元精義窺罔
象勿遽秘名山庶以裁吾黨

上胡此菴先生

紫燕服鹽車踟躕上太行一朝遇王良奮首乃騰驤貴
賤各因時世俗空低昂賤子東海隅疇昔懷飛揚十五
讀父書十八遊帝鄉高冠佩陸離執不笑其狂弱冠貢
有司慚愧賓于主上書不見收三度宮槐黃退耕把犁
鋤淹臥廬山旁側聞吾夫子作賦凌建章清襟照倫輩
皎皎若秋霜龜勉慕高義夢想在沅湘漢廣不可涉欲

安雅堂未刻稿卷一

五

濟誰爲梁何期兵戈後乃升元禮堂如彼砒砒石得分
結綠光如彼斥鷃鳥得與黃鵠翔譚經虎皮座絳幃羅
笙簧顧予儔伍內盼昧良非常琴尊四壁靜侍立恒負
牆尚論古人書精義貫毫芒高視星辰外意氣橫八荒
四載失趨庭嚴如聞義方平生恥頌恩感激忽涕滂草
木有葵藿猶知念穹蒼人如忽此理何異生空桑安能
割心血報答三春陽

庚寅獄中感懷四首

商飈涼勁秋昊天降霜露采采孤葵根展轉愁其足幽
蘭在庭柯馨香莫能蠹君子諒不惜零落傷中路庶事